

Элстд шин школ бәрджәнә

Май сарин 11-д Элст балгъ-сна хойрдгч номертә дундин школин 110 сургъульчнр, шин дундин школин гер бәрлгънд нөкд болдж гарч кӧдлцхäv.

Ӧрүн 8 часас авн удин 2 час кӧртл сургъульчнр шунмгъа кевәр кӧдлдж, шин школ тос-хлгънд дӧнъгән кӧргцхäv.

Ода деерән, энӧнд дундин школин гер бәрх орминь бел-ддж, улинь тävджәнә. Сургъ-ульчнр, кӧн болгън ӧрäl ку-бометр газр малтх зӧвтә. Эд-нә ик зунь норман давулдж кӧцäджәнә.

Сургъульчнр оln зӧсн кӧд-лмш кев. Зәрмнь газр малтв, зәрмнь носилкәр шавр зӧӧдж, холагшан гаргъдж асхна. Кесг кӧвӧд автомаши дахад, чолу зӧӧлгънд кӧдлв. 8-ч классин су-ргъульчнр Бутенко Анатолий, Таличкин Павел, Руденко Ва-лерий чолу зӧӧлгънд узмджтә сәәнәр кӧдлв.

Газр малтлгънд 10-ч классд сурцах кӧӧкд Карманова В, Кубекова Раиса, Малиева Зина болн нань чигн кӧӧкд сәәнәр кӧдлв. Носилкәр шавр зӧӧлгъ-нд 8-ч класс цугтан шундж

кӧдлцхäv. Тедн дундас Ильдж-иринова Ида болн Василенко Павлина хойр шунмгъа сәәнәр кӧдлцхäv.

Иим ик чинртә, нертә кӧд-лмш кехд эн школин директ-тор Мешковский Е. А. классн тавн гардачнран дахулдж, су-ргъульчнран толгъалдж гарв.

Майин 13-д Элстин негдгч номертә школин зун сургъу-льчнр шин тосхджах эн шко-лин кӧдлмшт дӧнъ болхар га-рцхав. Хойрдгч номертә строй-управленә гемәр, эн сургъу-льчнр 8 час ӧрүнәс авн 11 час кӧртл кедг кӧдлмш уга болад, кецӧ унтә цаган урәгъад, ха-лун нарнд шатад сууцхав. 12 час эклснә хӧӧн, нег-негән заал-джагъад, стройуправленәс кӧн ирдж шинъкән кӧдлмшин-нь зурагъинь заадж ӧгв. Сур-гъульчнр ирдж кӧдлхинь ме-дсн бийнь, ӧмнәснь кӧдлх га-зринь чигн белдсмн уга, кӧд-лмш кех кӧрз болн носилкс чигн бел кесмн уга. Цааран-дан тер дуту йовдлиг бӧкрдж, оln бичкдин йовуд сән кӧсл-седклд йоста ӧргн хаалгъ ӧг-хмн.

А. СЕМЕНОВА.